

ՊԱՏՄՈՒԹՅԱՆ ԻՆՍՏԻՏՈՒՏԻ ԳԻՏԱԿԱՆ ՍԵՍԻԱՆ
ԿԻՐՈՎԱԿԱՆՈՒՄ ԵՎ ԱԼԱՎԵՐԴՈՒՄ

Այլ. Մյասնիկյանի անվան Կիրովականի Քիմիական կոմբինատի կուլտուրայի պալատում սեսիան հակիրճ ներածական խոսքով բացեց Պատմության ինստիտուտի գերեկտոր, դոկտոր-պրոֆեսոր Ա. Բ. Հարությունյանը։ Նա իր ելույթում նշեց, որ Հայաստանում Սովետական իշխանության հաստատման և Հայաստանի Կոմունիստական պարտիայի կազմավորման 40-ամյա նշանակալից տարելիցը արժանավայել գիմավորելու նպատակով Պատմության ինստիտուտի գիտական կոլեկտիվը մշակել է մի շարք միջոցառումներ, որոնցից մեկն էլ հանդիսանում է ներկա գիտական սեսիան, որտեղ հանդես կգան Ակադեմիայի մի խումբ անվանի գիտնականներ։

Փաստական հարուստ նյութերի հիման վրա զեկուցողը վեր հանեց՝ հանուն Սովետական իշխանության, հայ ժողովրդի մղած հերոսական պայքարի պատմության էջերը։ Նշելով Հոկտեմբերյան ռևոլյուցիայի դերը Հայաստանում սոցիալիզմի համար մղվող պայքարի ուժեղացման և մասսայական ռևոլյուցիոն Լույթների ծավալման գործում, ընկ. Հակոբյանը մասնավորապես անդրադարձավ 1920 թ. Մայիսյան ապստամբության հերոսամարտերի նկարագրության վրա։ Մայիսյան ապստամբությունը՝ Սովետական իշխանության համար հայ ժողովրդի մղած պայքարի տարեգրության մեջ մտել է որպես նրա ամենափայլուն դրվագներից մեկը։ Այնուհետև ընկ. Հակոբյանը համառոտապի նշեց դաշնակների անփառունակ տիրապետության շրջանում Հայաստանի քայքայված ու թշվառ վիճակը և արևմտյան իմպերիալիստական տերության նկատմամբ հայ ժողովրդի կատաղի դժգոհությունը։ Բայց դաշնակներին և նրանց օտարերկրյա տերերին չհաջողվեց կասեցնել հայ աշխատավորության ձգտումը իր հայրենիքի ազատագրման ուղղությամբ, 1920 թ. նոյեմբերի 29-ին ապստամբած հայ ժողովուրդը, Կոմունիստական պարտիայի գլխավորությամբ, ռուսական 11-րդ կարմիր Բանակի ինքնադրական օգնությամբ թոթափեց դաշնակցական ատելի լուծը և Հայաստանում հաստատեց սովետական կարգերը։

Ձեկուցման մեջ նվաճեց, որ Հայաստանի Կոմունիստական պարտիայի ձևավորումը կարևոր իրադարձություն է հանդիսացավ Հայաստանի բանվոր դասակարգի և գյուղացիության կյանքում։ Բոլոր դասերի և առաջին իսկ օրվանից նա ղեկավարել և առաջնորդել է աշխատավոր մասսաներին՝ հանուն սովետական կարգերի հաստատման Հայաստանում, հանուն սոցիալիզմի։ Այնուհետև ղեկավարեց Բալասղյանը համառոտաբեր կերպով կանգ առավ Մեծ Լենինի ստեղծած ՌՍԴԲԳ ղեկավար և ուղղործություն տվող գերի, ինչպես նաև Լենինի օգնական և առաջին հայ մարքսիստական խմբակներից մինչև Հայաստանի Կոմպարտիայի կազմակերպական ձևավորումն ղեկավարեց իրադարձություններով հարուստ ժամանակաշրջանի ղեկավարի վրա։ Ձեկուցողն ընդգծեց, որ Անդրկովկասի բոլշևիկյան կազմակերպությունները աճել ու ամրապնդվել են ամեն գուցե ու երանգի ու անգիտությանական հոսանքների ու պարտիաների դեմ մղվող համառ պայքարում։

Հայաստանի պարտիական կազմակերպությունների կյանքում կարևոր նշանակություն ունի 1919 թ. սեպտեմբերին Երևանում հրավիրված նրանց առաջին անընդունալ խորհրդակցությունը, որտեղ ընտրվեց ՌԿ(Բ)Պ Հայաստանի Կոմիտե (Արմենկոմ)։ Այդ խորհրդակցությունը հանդիսացավ Հայաստանի պարտիական կազմակերպությունները մի միասնական ղեկավարության ներքո միավորելու առաջին քայլը։ Մի քանի ամիս անց, 1920 թ. հունվարին, տեղի ունեցավ Հայաստանի բուլճարի կազմակերպությունների առաջին անընդունալ կոնֆերանսը, որն ընտրեց Արմենկոմի նոր կազմ և Հայաստանի Կոմունիստական պարտիայի առաջնահերթ խնդիրը համարեց ռևոլյուցիոն ճանապարհով դաշնակեցիների իշխանության տապալումը և սովետական կարգերի հաստատումը երկրում։

Հայաստանի պարտիական կազմակերպությունների կազմակերպական վերջնական կազմավորումը տեղի ունեցավ 1920 թ. ամռանը, 1920 թ. ապրիլին, ՌԿ(Բ)Պ Կենտկոմի որոշման համաձայն, ՌԿ(Բ)Պ Կոմկասյան Երկրային Կոմիտեի փոխարեն կազմվեց ՌԿ(Բ)Պ Կենտկոմի Կոմկասյան բյուրո, որը ստեղծեց պարտիական ղեկավար կենտրոններ Վրաստանում և Հայաստանում (մինչև այդ, 1920 թ. փետրվարին Բարվում տեղի էր ունեցել Ագրերեջանի Կոմպարտիայի առաջին անընդունալ համագումարը)։ Այսպես, Թիֆլիսում ստեղծվեց Հայաստանի Կ(Բ)Պ Կենտկոմի Արտասահմանյան բյուրո, որը որոշ ժամանակ անց տեղափոխվեց Բաքու։ 1920 թ. հուլիսի 30-ին ՌԿ(Բ)Պ Կենտկոմի կազմը բյուրոն որոշում է կայացնում Վրաստանում, Հայաստանում և Ադրբեջանում մարզային կազմակերպությունների իրավունքով Կոմպարտիաների ստեղծման մասին, որոնք պետք է ենթարկվեն անմիջականորեն Կոմկասյան բյուրոյին։ 1920 թ. սեպտեմբերի սկզբին ՌԿ(Բ)Պ Կենտկոմի Կոմկասյան բյուրոն քննարկեց «Հայաստանի Կոմունիստական պարտիայի Կենտկոմի կազմի և Արտասահմանյան բյուրոյի մասին» հարցը և հաստատեց ՀԿ(Բ)Պ Կենտկոմի կազմը։ Այսպես ավարտվեց ՀԿ(Բ)Պ կազմակերպական ձևավորումը, որը, ավելի համախմբած իր շարքերը, հայ ժողովրդին վճռական մարտերի տարավ հանուն սոցիալիզմի և 1920 թ. նոյեմբերի 29-ին Հայաստանում հռչակեց Սովետական իշխանություն։

Անցած քառասուն տարիների ընթացքում Սովետական Հայաստանի աշխատավորները անախրեթաց հաջողությունների հասնելու Կոմունիստական պարտիայի ղեկավարությամբ։

Սեպիայի մասնակիցները մեծ հետաքրքրությամբ լսեցին պատմական գիտությունների դոկտոր Ա. Ն. Մնացականյանի զեկուցումը՝ «Լենինը և հայ ժողովուրդը» թեմայով։

Ընկ. Մնացականյանը բազմաթիվ նորահայտ նյութերի ու փաստերի վկայականով միջոցով ցույց տվեց, որ Մեծ Լենինը հայ ժողովրդի, ինչպես նաև Ռուսաստանի կազմի մեջ մտնող մյուս ժողովուրդների բախտով հետաքրքրվել է դեռևս անցյալ դարի 90-ական թվականներից սկսած, ծանոթ է եղել մի շարք հայ տնտեսագետների աշխատությունների հետ, որոնք և օգտագործել է իր «Կապիտալիզմի զարգացումը Ռուսաստանում» գրքում, հետաքրքրվել է անգամ հայկական գեղարվեստական գրականությամբ և այլն։

Վ. Ի. Լենինի հետ անձնական կապեր են ունեցել մոտ վեց տասնյակ հայ ռևոլյուցիոն գործիչներ, որոնք բոլորն էլ հանդիսացել են Կոմունիստական պարտիայի ակտիվ գործիչներ։ Լենինի հավատարիմ աշակերտներ ու հետևորդներ։

Միայն 1900—1907 թթ. ընթացքում Լենինը տարբեր առիթներով 48 անգամ անդրադարձել է Անդրկովկասին, Հայաստանին ու հայ ժողովրդի վիճակին, մի փաստ, որը ցույց է տալիս, թե ռևոլյուցիոն փոթորիկների շրջանում անգամ Լենինը որքան ուշադիր և բազմակողմանի վերաբերմունք է ունեցել Ռուսաստանի կազմի մեջ մտնող ժողովուրդների, այդ թվում նաև հայ ժողովրդի բախտի նկատմամբ։ Լենինը դրականապես է վերաբերել հայ ժողովրդի ազգային-ազատագրական շարժումներին, բարձր գնահատելով նրա պայքարը թուրքական բռնակալության ու ցարական ինքնակալության դեմ։

Սովետական կարգերի հաստատման ժամանակ Կարմիր Բանակի կողմից հայ ժողովրդին ցույց տրված եղբայրական օգնությունը կատարվեց անմիջականորեն Լենինի ցուցումով։

Վ. Ի. Լենինը 1920 թ. դեկտեմբերին Մոսկվայում ընդունելով Հայաստանի Հեղկոմի ներկայացուցիչներին, մեծ ուշադրությամբ լսում է նրանց և կազմակերպում ամեն տեսակ օգնություն ու աջակցություն բոլոր բարեկամներին կողմից խարված ու ծվատված Հայաստանին, որի շնորհիվ էլ այսօր ազատաբաղձ հայ ժողովուրդը, տոնելով իր ազատ կյանքի 40-ամյա փառապանծ հոբելյանը, անսահման երախտագիտությամբ է նշում Մեծ Լենինի և նրա ստեղծած կոմունիստների անպարտելի պարտիայի անունը։

Սովետական Հայաստանի ժողովրդական տնտեսության նվաճումները 40 տարում թեմայով սեպիայում բովանդակալից զեկուցում կարդաց ՀՍՍՌ ԳԱ իդիսկից-անդամ Մ. Պ. Աղաջանը։ Ընկ. Աղաջանը համառոտակի ներկայացնելով Հայաստանի ժողովրդական տնտեսու-

թյան քայքայված վիճակի մոայլ պատկերը նախատվետական շրջանում, այնուհետև նշեց հսկայական այն նվաճումները, որ ձեռք է բերել հայ ժողովուրդը Սովետական իշխանության անցած 40 տարիների ընթացքում: Նախկին որբերի ու արցունքի երկիր Հայաստանը այժմ դարձել է առաջավոր արդյունաբերական երկիր, մեքենայացված դյուղատնտեսության երկիր, բարձր կուլտուրայի ու զարգացած գիտության երկիր:

Քնակչության մեկ շնչին բնկնող էլեկտրաէներգիայի քանակով Հայաստանն իր ետևում է թողել Ֆրանսիային, Իտալիային, Հոլանդիային և այլ զարգացած կապիտալիստական երկրների, իսկ Թուրքիայից և Իրանից առաջ է անցել 100 անգամ: Սովետական Հայաստանի ժողովրդական տնտեսությունը բուռն վերելք ապրեց հատկապես հետպատերազմյան տարիներին: Է՛լ ավելի մեծ են նրա զարգացման հեռանկարները յոթնամյակում, որը հաջողությամբ իրագործվում է: 1913 թ. համեմատությամբ, 1960 թվականին Հայաստանի արդյունաբերության համախառն արտադրանքը նախնական հաշվումներով կավելանա մոտ 70 անգամ, իսկ գյուղատնտեսության արտադրանքը՝ ավելի քան չորս անգամ:

Սեսիայի մասնակիցները մեծ հետաքրքրությամբ լսեցին իրենց հարազատ քաղաքի մասին պատմական գիտությունների թեկնածու Կ. Ս. Կողմոյանի «Բարգավաճող Կիրովականը» խորագիրը կրող զեկուցումը:

Համառոտ ակնարկում նկարագրելով Կիրովականի պատմական անցյալը, զեկուցողն այնուհետև նշեց նրա բուռն զարգացումը Սովետական իշխանության տարիներին, երբ երբեմնի հեռամենաց, փորրիկ գյուղաքաղաքը՝ նախկին Ղարաբիլիսան, դարձավ սոցիալիստական ինդուստրիալ քաղաք: 1935 թ. հունվարին Հայաստանի Կենտգործկոմի նախագահության որոշմամբ Ղարաբիլիսան վերանվանվում է Կիրովական՝ ի հավերժացումն պարտիական ու պետական ականավոր գործիչ Ս. Մ. Կիրովի հիշատակի:

Սովետական կարգերի հաստատումից հետո, մեկը մյուսի ետևից կառուցվում ու շարք են մտնում բազմաթիվ արդյունաբերական ձեռնարկություններ: Կիրովականի հետագա զարգացման համար մեծ նշանակություն ունեցավ 1929 թվականին Ալ. Մյասնիկյանի անվան քիմիական կոմբինատի հիմնադրումը, որի առաջին արդյունաբերական արտադրանքը ստացվեց 1933 թ. մարտի 23-ին: Եթե մի ժամանակ, քիմիական կոմբինատի հիմնադրման տարիներին, օտարերկրյա մասնագետներն էին օգնում կիրովականցիներին՝ վառարանների կառուցման և սարքավորումների տեղադրման աշխատանքներում, ապա այժմ քիմիագործներն իրենք են օգնում Զինաստանի, Հեհաստանի, Ռումինիայի և այլ երկրների աշխատավորներին՝ քիմիական օբյեկտների կառուցման և շահագործման գործում:

Կիրովականը արագ զարգացում ապրեց հատկապես հետպատերազմյան տարիներին: Այժմ Կիրովականի արդյունաբերական ձեռնարկությունները երկրին տալիս են ավելի քան 120 տեսակի արտադրանք: Ստեղծվել են մեքենաշինական, հաստոցաշինական, սարքաշինական և այլ գործարաններ: Արագորեն աճում և ընդլայնվում է թեթև արդյունաբերությունը: Քաղաքում գործում են Մորիու-մուշտակի, Կամոյի անվան տրիկոտաժի, Կորդի, Շահումյանի անվան կարի, կոշիկի, փայտամշակման ֆաբրիկաները և բազմաթիվ արտեմներ:

Հոյակապ են Կիրովականի զարգացման հեռանկարները առանձնապես յոթնամյակում: 1962 թվականին շահագործման կհասնի արհեստական մետաքսաթելի գործարանը: Վերջին տարիների ընթացքում Կիրովականում ստեղծվել են Ավտոմատիկայի, Քիմիայի նախագծային և գիտահետազոտական ինստիտուտները, ինքնուրույն կոնստրուկտորական բյուրոն, որոնց ևրիտասարդ գիտական կույնկտիվները օգնում են արտադրության ավտոմատացմանը, նոր տեխնիկայի արժատավորմանը և աշխատանքի արտադրողականության բարձրացմանը:

Կիրովականի աշխատավորները մտնելով սոցիալիստական մրցության մեջ Բաթումիի, Սուխումիի և Սումգայիթի իրենց բարեկամների հետ, հաջողությամբ չատարում են յոթնամյակի առաջադրանքները: Լայն թափ է ստացել պայքարը կոմունիստական աշխատանքի կոշման և կոմունիստական կենցաղավարության համար: Այսպիսին են ահա Սովետական Հայաստանի սոցիալիստական քաղաքներից մեկի՝ Կիրովականի աշխատավորների նվաճումները Սովետական իշխանության անցած քառասուն տարիների ընթացքում:

Հայկական ՍՍՌ ԳԱ թղթակից-անդամ Ս. Տ. Երևմյանը սեսիայում հանդես եկավ «Հայ ժողովրդի ծագումը» ուղադրավ զեկուցումով, որը մեծ հետաքրքրություն առաջացրեց ունկնդիրների շրջանում:

Սեսիայի աշխատանքները ամփոփեց ՀՍՍՌ ԳԱ Հասարակական գիտությունների բաժանմունքի ակադեմիկոս-բարտուղար, ՀՍՍՌ ԳԱ ակադեմիկոս Ա. Բ. Կարինյանը, որի ելույթը ներկաների կողմից ընդունվեց ջերմորեն:

Հոկտեմբերի 3-ին, նույն ծրագրով, տեղի ունեցավ Պատմության ինստիտուտի գիտական սեսիան Այազերդու Պղնձա-քիմիական կոմբինատի կուլտուրայի պալատում, ուր գիտնականները նույնպես մեծ գոհունակությամբ ընդունվեցին բանվոր-ծառայողների և կուլտեսականների կողմից:

Պատմության ինստիտուտի կազմակերպած այս գիտական սեսիաները, որոնք հանդիսանում են ՍՄԿՊ Կենտկոմի 1960 թ. հունվարի 9-ի «Արդի պայմաններում պարտիական պրոպագանդայի խնդիրների մասին» որոշման անմիջական արձագանքներից մեկը, մի անգամ ևս ցույց տվեցին գիտության և արտադրության աշխատողների սերտ կապերի կարևորությունն ու անհրաժեշտությունը, կյանքի, պրակտիկայի հետ գիտության սերտ կապի անհրաժեշտությունը և հանդիսացան ապացույցը այն բանի, որ սովետական գիտությունը իրոք ծառայում է ժողովրդին:

Հ. ՈՒ. ՄԵԼԻՔՍԵՅԱՆ

